

醫方類聚卷之八十六

一 血病門 三

壽域神方

一 血部

治勞怯虛損諸證及吐血不止危篤醫所不

治者用黑雄狗一隻宰取血用碗接熱服

每服一碗不過兩次血止不吐如惡心以

生薑徐嚼止之極有神効

若飲酒過度酒毒蘊熱積胸以致吐血衄血



天暑地熱上焦積熱忽然吐衄脈滑數垂死者用葛花二兩無花以根代之黃連四兩爲末用大黃末熬膏子丸如梧桐子大每服一百丸溫水下或調和二藥服之尤妙

一方用荆芥一握燒令過蓋於地上出火毒細研用橘皮湯調下三錢不過二服

一方取鍋底墨細研白湯調下三錢連進二三服妙

若無故衄血不止用濕紙塞兩耳衄當立止仍用白茅花煎湯頓服壹碗妙

若吐血及鼻衄用舡底青苔如雞彈大水壹

盞煎服

衛生易簡方煎五分去滓溫服

一方用白芨不以多少爲末井水調厚傅額上及眼眶至鼻柱上傅通用紙片貼之仍用舊帛縛定以斷血路極妙川米飲空心調服尤佳

一方用滑石壹兩甘草三錢爲末新汲水調

下五錢妙

一方取白堊土今畫家用者是研爲末用新汲水調下二錢妙

一方用大蒜壹枚去皮細研如泥攤壹餅子如錢大厚一豆許左鼻血出貼左脚心右鼻血出貼右脚心兩邊俱出卽貼兩脚心血止以溫水洗脚心愈

治咯吐血用馬糞不拘多少炒焦黑色每服細末二三錢好酒調下三四服立效

治鼻出紅汗用水膠溶化喜紅絹一小塊調

膠在上貼於眉心內壹時便瘥

若鼻出血不止用枝子燒灰存性爲末以竹筒吹鼻內下血不止者水調服妙

一方用好京墨磨濃葱頭蘸墨塞鼻內卽止若下血二十年者取地榆鼠尾草各三兩水

一二升煮去半頓服本五代齋頌二代半公

若暴下血以大蒜五六衛生易簡枚去皮量多少入豆豉搗爲膏可丸如梧子大每服

五六十九米飲送下即愈

若小便下血不止研酸漿草絞自然汁服之

一方用龍膽草根以水五升煮取二升半分

為五服立愈

衛生易簡方

吐血

治吐血用皺面草即地松為末每服一二錢

以茆花泡湯調服不拘時

治吐血及妄行用牛鼻衝草曝乾為末入麝

香少許用竹筒吹藥入兩鼻內立差

治吐血用黃芩二兩赤芍藥一兩為末每服

又三錢水一盞煎七分熱服

又方用童使或自己新熱小便服

治吐血咯血鼻衄用藕節搗汁飲之

又方用白芍藥一兩犀角末一分新水服一

錢血止為限末煎平許對微火小燉盡

又方用柏葉一握乾姜三片阿膠二挺炙水

二盞煮一盞去滓頓服

又方用大黃末每服一錢生地黃汁一合水
又半蒸煎四五沸服

又方用人參爲末鷄子清投新汲水調壹錢
服

治吐血及口齒有血用枸杞根爲末煎湯嗽
服

又方用鈔白霜爲末新汲水調壹字服

治吐血用百合搗絞汁和水飲之及煮熟食
又方用血餘灰爲末每服三錢匕冷水調下

治吐血唾血鼻血腹中聚血用紫參爲末每

服三錢水壹椀煎六分溫服

治瘀血蓄胃心下脹滿食入卽嘔用赤芍藥

半夏陳皮各等分每服四錢水壹盞薑七

常煎七分溫服不拘時食後飲

木咳血

治久病肺損咯血咳嗽血妄行用剪草壹斤

淨洗爲末入生蜜一斤和爲膏磁器盛之

勿犯鐵器丸蒸丸曝病人吐更面東不得

語以匙抄藥如粥服約三四兩良久用温
稀粥壓之亦治勞瘵三四服即愈

治咯血吐血用山御桃為末每服一二錢冷
水調服

治咯血用新絲燒灰半錢食後好酒調服

治唾血吐血用蒲黃一兩生地黃半兩為末
每服二三錢食後冷水或酒調下

下血

治下鮮血用梔子仁燒灰水調一錢服

治熱毒下血或因食物發動用梔子三十枚
水三升煎壹升去滓服

治瀉血不止用桑耳一兩炒黑水一升三合
煎六合去滓空心分溫三服

治臟毒用黃連四兩酒浸春秋五日夏三日
冬七日晒乾為末烏梅肉六兩同搗為膏

丸如桐子大每服二三十九空心白湯下
又方用槐芽黃連各四兩同炒另揀為末糞
前下血用槐芽末糞後下血用黃連末各

以酒壹盞調二三錢服

治臟毒大小便血用劉寄奴爲末茶清調服
治腸胃積熱或因酒毒大便下血用黃連四
兩半炒半生黃芩防風各二兩爲末糊丸
如桐子大每服五十九丸米泔浸枳殼水下
冬月宜加大黃壹兩

治臟毒下血用黃連爲末煨獨蒜和研丸如
桐子大每服四十九丸空心陳米飲下

又方用烏梅連核燒存性香白芷不見火百
藥煎燒存性各等分爲末米糊丸如桐子
大每服七十九丸空心米飲下

又方用地骨皮鳳眼根皮等分同炒黃爲末
每服三錢空心溫酒調服忌油膩物
又方用黃耆黃連等分爲末糊丸如菉豆大
每服三十丸米飲下

治小便溺血用琥珀爲末每服二錢燈心薄
荷煎湯調下

治便血用五葉藤爲末每服二錢空心食前酒調服

又方用金粟狼牙草焙乾入蚌粉炒槐花百藥煎爲末每服三錢米泔調空心服亦治酒病

治房室勞傷小便尿血用鹿角膠半兩沒藥油頭髮灰各三錢爲末以茅根汁打糊丸如桐子大每服五十九粒湯下

金匱鈎玄

咳血 痰盛 身熱多是血虛 治藥青黛

芫蕁仁訶子海石山梔爲末姜汁煉蜜丸噙服 咳甚者前藥加杏仁後以八物湯加減調理

嘔血 火載血上錯經妄行脉大發熱喉中痛者是氣虛用人參黃芪蜜炙黃栢荆芥地黃當歸

嘔血用韭汁童便姜汁磨鬱金飲之其血自清四物湯炒山梔童便姜汁 山茶花童

便姜汁酒釀金末入姜汁童便

痰帶血絲出童便竹瀝

又韭汁童便二物細研釀金服其血自消

血衄上行如無釀金山茶花姜汁童便好酒

調服

咯血姜汁童便青黛入血藥中用四物湯地

黃膏牛膝膏之類

衄血 涼血行血爲主 犀角地黄湯入釀

金同服

經血逆行或血腥或吐血唾血川韭汁服立
効

溺血 屬熱 山梔子炒水煎服 或山薊

琥珀有血虛者四物湯中加牛膝膏服

下血不可用純寒藥必於寒涼藥中川味辛

溫性升之藥如酒浸炒涼藥酒煮黃連凡

之類

有熱四物湯加炒山梔升麻秦艽膠珠

下血屬虛當溫散四物湯加炮乾姜升麻

又方用白芷五倍于丸

凡用血藥不可單行單止

御醫撮要

黃耆湯療吐血下血上氣短氣欲絕面如黑色

黃耆

芎藭

去蘆頭

甘草

炙赤

芍藥

剉各四兩

右為散每服三錢以水一盞入生薑一塊子分拍碎同煎至七分去滓溫服忌菘菜備預百要方

吐血方蓮節汁服之

又生地黃

白欬

各八兩

阿膠

三丁研

以清酒三

升煮取二升分四服

血病禁忌

巢氏病源

吐血候

養生方云思慮傷心心傷則吐衄發則髮焦也

小便血候

養生方云人食甜酪勿食大酢必變爲尿血
血病鍼灸

得効方

失血

衄不止灸足大指筋橫理三毛中十壯劇者
百壯并治陰卵腫

腸風下血灸第二十椎隨年壯

又法平立一枚子比臍平却向後脊骨當中
灸七壯或年深於脊骨兩傍各一寸灸七

壯余謂寸半則是卽膺自佳
肘後方

葛氏卒嘔血腹內絞急痛胃中隱然而痛血
色紫黑或從尿出灸主下左右各五分十
四壯姚方同之

姚氏療口中忽出血不止灸額上髮際一寸
五十壯姚謂之腦衄立灸之

舌上忽出血如簪孔者以錢掩臍下灸錢下
際五十壯

類聚 卷之六 十一

葛氏治小便出血灸足第二指本第一文七

壯立愈

血病導引

巢氏病源

唾血候

養生方導引法云伸兩脚兩手指著足五指
上愈腰折不能低若唾血久疼為之愈長
伸兩脚以兩手捉五指七遍愈腰折不能
低仰若唾血久疼血病久行身則可卷轉

也

朱氏集驗方

失血

導引方治唾血長伸兩脚以兩手捉五指七
遍愈

卷之六十六

十一

諸氣門

目錄

論

金匱方

奔豚氣病脉證治

奔豚湯 桂枝加桂湯 茯苓桂枝甘草大

棗湯

千金方

積氣

七氣圓 七氣圓 七氣湯 五膈圓 大

類聚
卷之六
七

蒜煎 桔梗破氣圓 檳榔湯 半夏湯

貝母湯 麻黃湯 奔氣湯 枳實湯 竹

葉飲 人參湯 海藻橘皮圓 白石英散

補傷散 白石英圓 理氣圓

千金月令

七宣丸 青木香丸 金石凌 治肺調氣

九 補肺丸

諸氣門 二

聖惠方

治上氣喘急諸方

杏人散 馬兜零散 紫蘇散 杏人散

治久上氣諸方

麻黃散 杏人散 赤茯苓散 胡椒丸

旋復花丸

治卒上氣諸方

麻黃散 五味子散 青橘皮散 細辛散

治上氣胸滿諸方

大腹皮散 桔梗散 青橘皮散 桑根白

皮散 半夏散 大黃丸 檳榔丸

治上氣不得睡卧諸方

訶梨勒皮散 枳實散 五味子散 紫蘇

子散 鍾乳丸

治上氣喉中作水雞聲諸方

麻黃散 欬冬花散

治上氣嘔吐諸方

訶梨勒散 半夏散 赤茯苓散 枇杷葉

散 橘皮散 人參散 白朮丸

治上氣腹脹滿諸方

大腹皮散 赤茯苓散 前胡散 木香散

半夏散

治上氣欬逆諸方

芫花散 人參散 川椒丸 麥門冬丸

桂心丸 乾姜丸

治上氣喘急身而浮腫諸方

葶藶散 紫菀散 陳橘皮丸 猪苓散

人參治七氣諸方

類聚

十四

人參散 半夏散 木香散 烏頭丸 大黃丸

治短氣諸方

五味子散 紫蘇散 木通丸 麥門冬散 白朮丸

治逆氣諸方

訶梨勒散 檳榔散 枳實散 半夏散 訶梨勒丸 桔梗散

治因食熱及飲冷水上氣諸方

陳橘皮散

和劑局方

一切氣

蘇合香圓 安息香圓 丁香沉圓 失沉香

圓 紫蘇子圓 調中香香湯 勻氣散

烏沉湯 五膈寬中散 隔氣散 三和散

七氣大湯 益智散 積氣圓 丁香圓

小丁香圓 三稜煎圓 青木香圓 小九痛

圓 生氣湯 如聖餅子 四柱散 八俞山

人降氣湯 撞氣阿魏圓 沉香降氣湯
小烏沉湯 丁沉煎圓 感應圓 小理中
圓 大七香圓 小七香圓 連翹圓 酒
癥圓 煨薑圓 紅圓子 蘇子降氣湯
分心氣飲 秘傳降氣湯 木香分氣圓
鐵刷湯 塩煎散 神仙沉麝圓 白沉香
散 雞舌香散 薑合圓 順氣木香散
快氣湯 集香圓 異香散 肉豆蔻圓
三稜散 如神圓 丁香脾積圓 分心氣

飲 木香分氣圓 化氣湯 蘇子降氣湯
五皮散 四君子湯 塩煎散 人參丁香
散 感應圓 木香流氣飲 二十四味流
氣飲 麝香蘇合香圓 木香檳榔圓 五
香散 人參木香湯
諸氣門 三
大全本草
三因方
七氣證治

大七氣湯

衛生十全方

諸氣

是齋醫方

氣疾

降氣湯 導氣丹 不老湯 榻氣元 團

參元 萬和散 四七湯

膀胱

沉香元 十精元 寸金丹 固真丹 三

炒丹 秘精元 十補元

奔豚

茴香金鈴元 養氣湯

簡易方

保衛

消氣湯 復元通氣散 附子養氣湯 實

氣散 歸氣散 神保圓 順氣圓 推氣

圓 養氣圓 氣寶圓 四炒圓 四磨飲

子

類聚八十六

十八

直指方

諸氣證治

大沉香圓 七氣湯 二陳湯 枳殼散
 流氣飲 七氣湯 五皮散 分氣紫蘇湯
 蘇合香圓 紅圓子 蓬煎圓 生料五苓
 散 青娥圓 感應圓 麻仁圓 二薑圓
 香橘圓 桔梗枳殼湯 薑桂散 沉香開
 膈散 良薑湯 白豆蔻散 如意圓 頂
 珠圓 麝香圓 橘皮壹物湯 氣槐石燕

散 分心氣飲

朱氏集驗方

諸氣

獨香散 流氣飲子 蘿蔔元 烏頭圓
 枳芎散 三稜圓 息賁湯 棗子酒 金
 銀散 薑合丸 薑附丸 主氣散 草豆
 蔻湯 橘子仁湯 秘傳枳殼元 單桃方
 參附正氣散 葦澄茄散 良薑散 通閉
 飲子 大正氣散

類聚八十六
十一
九

易簡方

降氣湯

管見大全良方

一切氣

木通散

枳殼煮散

芎藭湯 復元通氣

散

修月魯般經後錄

木香三稜丸

東垣試効方

心下痞

大消痞丸

枳實消痞丸

黃連消痞丸

木香化滯湯

人參順氣飲子

小黃丸

黃芩利鬲丸

通氣防風湯

御藥院方

治一切氣

平胃散

思食丸

木香三稜丸

助氣丸

玄胡丸

木瓜湯

思食調中丸

沉香降

氣丸

三腕痞氣丸

丁香和胃丸

養胃

類聚
卷之六

二十一

進食丸 調胃散 白豆蔻散 枳實丸

逍遙丸 通膈丸 赤茯苓丸 香橘湯

陳橘皮湯 調胃丸 木香調中丸 來復

丹 理氣丸 沉香餅子 木香順氣丸

順氣寬中丸 小沉香丸 分氣丸 和中

益氣丸 小橘皮丸 導滯丸 三和丸

調中丸 枳殼丸 橘皮枳殼湯 氣寶丸

法製生薑散 丁皮丸 荆蓬煎丸 商殼

丸 逐氣丸 沐香塌氣丸 沉香散 木

香三稜丸 雞舌香丸 小分氣丸 蓬莪

茂丹 降氣檳榔丸 集香丸 木香三稜

丸 木香分氣丸 酒癥丸 檳榔枳殼丸

人參湯 通膈散 寬膈丸 法製陳皮

育氣湯 溫中降氣丸 寬中丸 調中丸

均氣散 十全丸 無礙丸 剋効聖餅子

沉香大腹皮散 木香枳實丸 交感丹

降氣湯 牙藥順氣丸 和中丸 大華澄

茄丸 十膈氣散 柳心氣湯 綾錦養脾

頁
卷之六

二十一

類聚卷之六

三十一

丸 枳實理中丸 玄明粉 厚朴橘皮丸
 代赭石湯 吳茱萸丸 沉香導氣丸 厥
 氣散 交泰丸 葶澄茄丸 臺籥丸 橙
 皮丸 紫沉通氣湯 葳靈仙丸 降氣湯
 沉香丸 通氣湯 減甘草白豆蔻散 當
 歸湯 順氣枳殼丸 沉香和中丸 調中
 沉香湯 備急丸 寬中理氣丸 快活丸
 小射香丸 木香餅子 木沉煎丸 木香
 三稜湯 賓郎丸 紫沉丸 百盃丸 射

香平氣丸 藿香和中丸 蓬莪茂丸 妙
 應丸 沉香溫胃丸 木香消穀丸 阿魏
 丸 厚朴丸 豆蔻湯 人參藿香散 養
 氣湯 塌氣散 萬病無憂散 丁香生胃
 散 藿香厚朴湯 平胃丸 木香煮散
 內應散 沉香葶澄茄丸 引氣丸 沉香
 升氣散 加減思食丸 煨薑丸 藿香安
 胃散 荳蔻木香丸 枇杷葉散 大腹湯
 賓郎湯 豆蔻散 通膈散 流氣飲子

類聚

三

木香檳榔丸 沉香降氣散 茯苓丸 大

枳殼丸 百鍾丸 五膈丸 沉香聖餅子

橙香餅子 化鐵丹 賺氣散 導氣枳實

丸 茴香枳殼丸 白朮妙功丸 沉蘇飲

子 五皮散

諸氣門 四

得效方

諸氣

縮砂香附湯 導氣枳殼圓 五香連翹湯

神仙九氣湯 破塊圓

中氣

朮附湯 回陽湯 八味順氣散

澹軒方

小腸氣

衛生寶鑑

心下痞

大黃黃連瀉心湯 枳實理中丸

澹寮方

中氣

順元散 白薇湯 倉公散

必用全書

小腸氣諸方

祛痛圖 如神散

拔粹方

調中順氣丸 沉香導氣散 木香順氣湯

沉香交泰丸

王氏集驗方

治一切氣

寬中丸 萬應丸 軟黃丸 香附散 紫

沉煎丸 守病纏疾丹 牛黃神金丸 九

仙丹 三稜丸 玉抱肚 吳茱萸湯 麝

香絲灰散 二陳湯

醫方大成

氣附 膀胱小腸腎氣

須氣沉附湯 養氣丹 養正丹 木香調

氣散 葱白散 阿魏理中圓 通氣圓

類聚 卷之八

二十三

類聚卷之六

三十四

道氣圓 消脹圓 三香正氣散 金鈴圓

磨積圓 川練散 三白散 葫蘆巴圓

葵子湯 手拈散 三茱圓 五香蠲痛元

金鈴子圓 失啖散

南北經驗方

氣

神砂一粒丹 五膈寬中散 經驗調氣方

袖珍方

氣

大藿香散 紫蘇子湯 木香枳殼丸 木

香檳榔丸 導氣枳殼丸 沉香化氣丸

推氣丸 木香順氣丸 木香破氣散 木

香順氣丸 木香導氣丸 木香快氣丸

復元通氣散 柱靈散 啓中丸 消滯丸

永類鈴方

七氣

分心氣飲 復元通氣散

經驗秘方

諸氣

松烟餅子 五味六兩丸 沒藥玄胡散

應痛丸 蠶沙散 神仙珍珠散 秘傳通

氣散 加味順氣散 加減四物湯 歸神

丹

烟霞聖効方

三倍丸 木瓜丸

壽親養老書

降氣湯

施圓端効方

諸氣

豆蔻藿香湯 梓建脾散 順氣散 消痞

丸 半夏通氣散 七傷湯 桂朴當歸散

震和散 太聖散 奪真丹 橘甘湯 檳

榔丸 溫中丸

吳氏集驗方

諸氣

藕珠丹 水仙丹 聚寶丹 清膈湯 雙

類聚... 卷之... 三十五

類聚... 卷之... 三十五

香散 香藥青皮

事林廣記

新効方

玉機微義

氣證

七氣湯 塩煎散 木香流氣飲 降氣湯

參蘇飲 升陽順氣湯 木香檳榔丸 神

保丸 導氣丸 木香順氣丸 沉香降氣

湯 分心氣飲 大七氣湯 紫沉通氣湯

木香順氣湯 補中益氣湯 調中益氣湯

清暑益氣湯 養氣丹 養正丹 異香散

助氣丸 分氣丸 二陳湯 桔梗半夏湯

四七湯 蘇子降氣湯 槐角散 歸脾湯

門冬飲子 稀涎散 勝金丸 蘇合香丸

雜方

四磨湯 紺珠正氣天香湯

壽域神方

氣部

衛生易簡方

諸氣

簡奇方

諸氣

延年護命丹

餘藥無名者散見本方

食治

禁忌

鍼灸

導引

諸氣門一

巢氏病源 氣病諸候

七氣候

夫百病皆生於氣故怒則氣上喜則氣緩悲
 則氣消恐則氣下寒則氣收聚熱則腠理開
 而氣泄憂則氣亂勞則氣耗思則氣結聖惠方作
 留九氣不同怒則氣逆甚則嘔血及食而氣
 逆上也喜則氣和榮衛行通利故氣緩焉悲
 則心系急肺布葉舉使上焦不通榮衛不散

熱氣在內故氣消也恐則精却精却則上焦
 閉閉則氣還還則下焦脹故氣不行寒則經
 絡澁澁故氣收聚也熱則腠理開竅榮衛通
 故汗大泄也憂則心無所寄神無所歸慮無
 所定故氣亂矣勞則喘且汗外內迅故氣耗
 矣思則身心有所止氣留不行故氣結矣聖惠
 方結作咽診寸口脉伏胸中逆氣是諸氣上衝胸
 中故上氣面胸腫髀息其脉浮大不治上氣
 脉躁而喘者屬肺肺脹欲作風水聖惠方發

汗愈脉洪則為氣其脉虛寧伏匿者生牢強
 者死喘息低仰其脉滑手足温者生也濇而
 四末寒者死也數者死也謂其形損故

上氣鳴息候

肺主於氣邪乘於肺則肺脹脹則肺管不利
 不利則氣道澁故氣上喘逆鳴息不通診其
 肺脉滑甚為息奔上氣脉出魚際者主喘息
 其脉滑者生駛者死也

上氣喉中如水雞鳴候

肺病令人上氣兼胸膈痰滿氣行壅滯喘息不調致咽喉有聲如水雞之鳴也

奔氣候

夫氣血循行於經絡周而復始皆有常度肺爲五藏上蓋主通行於府藏之氣若肺受邪則氣道不利氣道不利則諸藏氣壅則失度故氣奔急也

賁豚氣候

夫賁豚氣者腎之積氣起於驚恐憂思所生

若驚恐則傷神心藏神也憂思則傷志腎藏志也神志傷動氣積於腎而氣下上遊走如豚之奔故曰賁豚其氣乘心若心中踴踴如車所驚如人所恐五藏不定食飲輒嘔氣滿胸中狂癡不定妄言妄見此驚恐賁豚之狀若氣滿支心心下悶亂不欲聞人聲休作有時乍瘥乍極吸吸短氣手足厥逆內煩結痛温温欲嘔此憂思賁豚之狀診其脉來觸祝觸祝者病賁豚也腎脉微急沉厥賁豚其足

不收不得前後

結氣候

結氣病者憂思所生也心有所存神有所止氣留而不行故結於內

冷氣候

夫藏氣虛則內生寒也氣常行腑藏腑藏受寒冷卽氣爲寒冷所并故爲冷氣其狀或腹脹或腹痛甚則氣逆上而面青手足冷

九氣候

九氣者謂怒喜悲恐寒熱憂勞思因此九事而傷動於氣一曰怒則氣逆甚則嘔血及食而氣逆也二曰喜則其氣緩榮衛通利故氣緩三曰悲則氣消悲則使心系急肺布葉舉使上焦不通熱氣在內故氣消也四曰恐則氣下恐則精却精却則上焦閉閉則氣還氣還則下焦脹故氣不行五曰寒則氣收聚寒使經絡澁澁使氣不宣散故也六曰熱則腠理開腠理開則榮衛通汗大泄七曰憂則氣

亂氣亂則心無所寄神無所歸慮無所定故
氣亂八曰勞則氣耗氣耗則喘且汗外內皆
越故氣耗也九曰思則氣結氣結則心有所
止故氣留而不行衆方說此九氣互有不同
但氣上之由有九故名爲九氣類也

五鬲氣候

五鬲氣者謂憂鬲恚鬲氣鬲寒鬲熱鬲也憂
鬲之病胸中氣結煩悶津液不通飲食不下
羸瘦不爲氣力恚鬲之爲病心下苦實滿噫

輒酢心食不消心下積結牢在胃中大小便
不利氣鬲之爲病胸脇逆滿咽塞胸鬲不通
噫聞食臭寒鬲之爲病心腹脹滿咳逆腹上
苦冷雷鳴繞臍痛食不消不能食肥熱鬲之
爲病藏有熱氣五心中熱口中爛生瘡骨煩
四支重脣口乾燥身體頭面手足或熱腰背
皆疼痛胸痺引背食不消不能多食羸瘦少
氣及痺也此是方家所說五鬲形證也經云
陽脉結謂之鬲言憂恚寒熱動氣傷神而氣

之與神並爲陽也傷動陽氣致陰陽不和而
府藏生病結於胸鬲之間故稱爲鬲氣衆方
說五鬲互有不同但傷動之由有五故云五
鬲氣
厥逆氣候
厥者逆也謂陰氣乘於陽陰氣居於下陽氣
處於上陽虛則陰實實則陰盛陰盛則上乘
於陽衛氣爲之厥逆失於常度故寒從背起
手足冷逆陰盛故也

少氣候

此由藏氣不足故也肺主於氣而通呼吸藏
氣不足則呼吸微弱而少氣胸痛少氣者水
在藏府小者陰氣陰氣在內故少氣診右手
寸口脉陰實者肺實也若少氣胸內滿彭彭
與髀相引脉來濡者虛少氣也左手關上脉
陰陽俱虛者足厥陰少陽俱虛也病若少氣
不能言右手關上脉陰陽俱虛者足太陰陽
明俱虛也病若胃中如空狀少氣不足以息

四逆寒脉弱者少氣皮膚寒脉小者少氣也
遊氣候

夫五藏不調則三焦氣滿滿則氣遊於內不能宣散故其病但煩滿虛脹

胸脇支滿候

肺之積氣在於右脇肝之積氣在於左脇二藏虛實不和氣蓄於內故胸脇支滿春脉不及令人胸痛引背下則兩脇脹滿寸口脉滑爲陽實胸中逆滿也

上氣胸脇支滿候

寒冷在內與藏腑相搏積於脇下冷乘於氣氣則逆上衝於胸脇故上氣而胸脇支滿

久寒胸脇支滿候

陰氣積於內久而不已則生寒寒氣與藏氣相搏衝於胸脇故支滿

乏氣候

夫虛極之人榮衛減耗腑藏虛弱氣行不足所以呼吸氣短也

走馬奔走及人走乏飲水得上氣候

夫走馬及人走則大動於氣氣逆於胸內未得宣散而又飲水水搏於氣故有上氣

食熱餅觸熱飲水發氣候

夫食熱皆觸動肺氣則熱聚肺間熱氣未歇而飲冷水水入於肺冷熱相搏氣聚不宣爲冷所乘故令發氣

氣分候

夫氣分者由水飲搏於氣結聚所成氣之流

行常無壅滯若有停積水飲搏於氣則氣分結而住故云氣分

和劑指南

論諸氣證候

一切氣證皆由憂戚中或盛怒中動傷真氣致陰陽不和結氣於胸膈之間壅滯不快飲食不下遂成膈噎之疾可與勻氣散五膈寬中散膈氣散沉香降氣湯分氣紫蘇飲七氣湯嘉禾散丁香煮散分心氣飲小降氣湯之

類管見大全良方又有木香調氣散又云若
類流入胃臆背脊分肉之間痛不可除者與
神保圓復
元通氣散

論小腸氣疾

小腸氣膀胱奔豚疝氣等疾皆因腎氣虛弱
膀胱久冷風濕乘之傷於腎經氣滯不散小
腹刺痛腎經偏弔未可驟服補藥先用疎導
發散可與管見大全良方可與五苓散加連
根葱白鹽船上茴香一撮炒同煎
服或神保圓胡蘆巴圓蘇子降氣湯五苓散
次以博濟方葱白散蟠葱散塩煎散川練散大沉香丸茴香丸仍

炒茴香燒塩細嚼熟酒送下或五香散正元
散葦澄茄散之類 小便不通者與雞舌香
散或五苓散如痛稍退只用平胃散送下茴
香圓調理

論心脾疼證

婦人心脾疼及血氣刺痛者可與蓬煎圓拈
痛圓其拈痛圓性熱不可輕用如得見沉寒
痼冷端的方可用之蟠葱散雞舌香散塩煎
散如意圓皆可選用 若痛連腰背或小腸

氣刺痛及虛弱老人宜大沉香圓兩圓作一服立効丈夫熱酒下婦人醋湯下如不喫酒姜湯下更可與和氣散調和脾胃

論脾痛嘔逆

脾胃痛甚嘔逆不納食者或加喘急者可與七氣湯加吐者與人參藿香湯瀉者與大沉香圓人參豆蔻散建中湯忽暴心痛者與蘇合香圓撞氣沉香圓

論心脾腹痛

心脾腹痛多有積或有寒積者可與溫白朮或保安圓虛老人不可多服此二藥只與木香推氣圓或感應圓小獨聖圓理痛圓洗消去積次與正氣散嘉禾散曹脾散人參煮散藜澄茄散蟠葱散塩煎散雞舌香散扒脾散建中散有寒者與大沉香圓兩圓作一服次與蓬圓溫中良姜圓丁香煮散四柱散論胸膈不快胸膈不快氣滯者可與沉香降氣湯烏沉湯

青木香圓七氣湯和氣散或人參圓紅圓干
小理中圓撞氣沉香圓丁沉圓順氣散三稜
散如意圓蓬煎圓與若煩悶甚大便秘者與
青木香圓脾痛者可與蓬煎圓之類
論腹脹心膨
腹脹者若因傷寒或寒熱瘴瘧或瀉痢大病
之後只是喫食後便腹脹心膨不羨飲食噫
醋吞酸縱食些小亦覺膨脹者切不可用消
食剋化之藥若用藥動不轉加困重去大便

遠也但可與正氣散嘉禾散參苓白朮散四
君子湯曹脾散人參煮散大小養脾圓菴澄
茄散思食圓蓬煎圓如意圓瀉者與人參豆
蔻散丁香散但得氣壯自能飲食加倍膨脹
自愈
三因方
七氣敘論
夫五臟六腑陰陽升降非氣不生神靜則寧
情動則亂故有喜怒憂思悲恐驚七者不同

各隨其本臟所生所傷而為病故喜傷心其
氣散怒傷肝者氣擊憂傷肺其氣聚思傷脾
其氣結悲傷心胞其氣急恐傷腎其氣怯驚
傷膽其氣亂雖七診自殊無踰於氣帝曰
余知百病生於氣也但古論有寒熱憂恚而
無思悲恐驚似不倫類於理未然然六府無
說唯膽有者蓋是奇恒淨府非轉輸例故能
蓄驚而為病

七氣證治

夫喜傷心者自汗不可疾行不可久立故經
曰喜則氣散怒傷肝者上氣不可忍熱來盪
心短氣欲絕不得息故經曰怒則氣擊一作
憂傷肺者心系急上焦閉榮衛不通夜臥不
安故經曰憂則氣聚思傷脾者氣留不行積
聚在中脘不得飲食腹脹滿四肢怠惰故經
曰思則氣結悲傷心胞者善忘不識人置物
在處還取不得筋攣四肢浮腫故經曰悲則
氣急恐傷腎者上焦氣閉不行下焦回還不

散猶豫不決嘔逆惡心故經曰恐則精却驚
傷膽者神無所歸慮無所定說物不竟而迫
故經曰驚則氣亂七者雖不同本乎一氣藏
氣不行鬱而生涎隨氣積聚堅大如塊在心
腹中或塞咽喉如粉絮吐不出嚙不下時去
時來每發欲死狀如神靈所作逆害飲食皆
七氣所生所成治之各有方

簡易方

氣論

人之賴以生者氣與血而已氣爲陽血爲陰
當絪縕交泰之際稟父精母血以化生形神
而謂之元氣焉故胞胎之系連臍而內外稟
受已通神祇以生精神魂魄貫腑臟而舍於
肺洎期則如瓜之熟而脫其蒂矣旣誕則舉
動皆具斯氣也然而賢愚不肖強弱剛柔無
不由斯氣而分當少之時血氣未定嗜慾未
萌則天之所予者渾然一真而已及其血氣
方剛嗜慾已萌則向之所謂渾然一真者七

分入裂而不復完矣夫氣之爲病人抵不過
喜怒憂思悲恐驚寒熱而已喜則氣散怒則
氣激憂則氣滯思則氣結悲則氣緊恐則氣
沉驚則氣動寒則氣收熱則氣滯諸證不同
當審在何臟何腑方乃不失病機也夫氣之
爲病有積有聚難經云氣之所積名曰積氣
之所聚名曰聚故積者五臟所生聚者六腑
所成積者陰氣也其始發有常處其痛不離
其部上下有所終始左右有所窮處聚者陽

氣也其始發無根本上下無所留止其痛無
常處故以是別知積聚也積有五名肝之積
名曰肥氣在左脅下如覆杯有頭足久不愈
令人發瘡瘰連歲不已心之積名曰伏梁起
臍上大如臂上至心下久不愈令人發煩心
脾之積名曰痞氣在胃脘覆大如盤久不愈
令人四肢不收發黃疸飲食不爲肌膚肺之
積名曰息賁在右脇下覆大如杯久不已令
人洒淅寒熱喘欬發肺壅腎之積名曰奔豚

發於小腹上至心下若豚狀或下或上無時
久不已令人喘逆骨痿少氣此五積之要法
也治之各有方或問五積何以得名六腑之
聚無名何也予議之曰伏梁者伏而不奔奔
豚者奔而不伏梁言其形強實若梁然豚言
其狀奔逸若豚然肥氣者盛而不消痞者塞
而不通息賁則或息或賁也積爲陰氣所積
而有名聚爲陽氣雖聚而無本故六腑之聚
無名也

直指方

血榮氣衛論

人之一身所以得全其性命者氣與血也蓋
氣取諸陽血取諸陰人生之初具此陰陽則
亦具此血氣血氣者其人身之根本乎血何
以爲榮榮行脉中滋榮之義也氣何以爲衛
衛行脉外護衛之意也然則榮與衛豈獨無
所自來哉曰人受穀氣於胃胃爲水穀之海
灌溉經絡長養百骸而五臟六腑皆取其氣

故清者爲榮濁者爲衛榮衛二氣周流不息
一日一夜脉行五十度平旦以來復會于肺
口所謂陰陽相貫如環之無端則是二氣者
常相隨而不相離也夫惟血榮氣衛常相流
通則於人何病之有一窒礙焉百病由此而
生矣故氣之作恙發而爲寒熱恙怒喜憂愁
聚而爲積痞疝癥瘕癖上爲頭旋中爲五
鬲下爲臍間動氣或喘促或咳噫聚則中滿
逆則足寒凡此者氣使之然也血之爲患其

妄行則吐衄其衰涸則虛勞蓄之在上其人
忘蓄之在下其人狂逢寒則筋不榮而攣急
挾熱則毒內瘀而發黃在小便者爲淋痛在
大便者爲腸風其於婦人月事進退漏下崩
中病猶不一凡此者血使之然也夫血譬則
水也氣譬則風也風行水上有血氣之象焉
蓋氣者血之帥也氣行則血行氣止則血止
氣溫則血滑氣寒則血凝氣有一息之不運
則血有一息之不行病出於血調其氣猶可

以導達病原於氣區區調血何加焉故人之
一身調氣爲上調血次之是亦先陽後陰之
意也若夫血有敗瘀滯泥乎諸經則氣之道
路未免有所壅遏又當審所先而決去之經
所謂先其血而後調之又不可不通其變
矣然而調氣之劑以之調血而兩得調血之
劑以之調氣而乖張如木香如官桂如細辛
如厚朴以至烏藥香附莪朮三稜之類治氣
可也治血亦可也若以當歸地黃輩論之施

之血證無以逾此然其性纏滯母於胃氣有

虧焉胃氣既虧則五臟六腑之氣亦餒矣善

用藥者其間劑量而佐助之大凡治病當識本末假如嘔吐

痰涎胃虛不食以致發熱若與涼劑退熱則

胃氣愈虛熱愈不退惟先以助胃止吐爲本

其熱自退縱熱不退但得胃氣已正亦可旋

與解熱之劑又有傷寒發大熱屢經寒涼踈

轉其熱仍前但用和雖然心爲血之主肝爲

血之藏肺爲氣之主腎爲氣之藏誠哉是言

也學者苟知血之出於心而不知血之納於

肝知氣之出於肺而不知氣之納於腎用藥

摸稜往往南轅而北轍矣假如血痢作恙以五苓門冬等劑行其心以巴豆大黃等劑逐其積而其痛獨存者血之所藏無以養也以佐以川芎或芎歸湯輩則其痛止假如喘嗽氣鳴之薑橘枳梗蘇桂調其氣以南星半夏細辛豁其痰而終不下降者氣之所藏無以收也必佐以補骨脂或安腎圓輩則其氣歸元病有標本治有後先綱舉而自斯張矣噫此傳心喫緊之法也耳目所接敢不與衛生

之家共之

經云腎間動氣五臟六腑之本十經脈之根呼吸之門生氣之原也

男女氣血則一論

血氣卽陰陽也不論男女長幼均具之人之有病皆知調氣而血之一字念不到焉至於調氣不愈加以消痰逐水無所不至其病自如是皆血之爲患伏於冥冥之中而不可測識矣假如婦人得病於經水來去之時固有可驗而知者其若經脈久遏而不行與夫協熱而傷血變生他證如之何而見之况世俗

類聚卷之六
四七
循習其能以男子之診爲血證乎夫肝藏血而心主之動則血運於諸經靜則血歸於肝臟肝受血則能視足受血則能步掌受血則能握指受血則能攝故血凝於膚者爲痺凝於脉者爲泣凝於足者爲厥凡神志昏昏驚狂冒悶煩渴嘔吐語短內疼鼻衄唾紅眼紅面赤骨熱膚開腸垢尿多胸滿頑痰讖語多汗甚至四肢厥冷懵不知人不問男子婦人皆血證耳據脉驗之狹血者脉來乍澁乍數

閃灼明滅或沉細而隱伏也若夫血與熱交攻則左手寸關按之洪盛蓋心主血肝藏血固如是爾經曰血上逆則忘血下蓄則狂上焦瘀血小便必難下焦瘀血小便必自利血之所在當以此推活人總括所載小柴胡湯犀角地黄湯桃仁承氣湯皆其要藥血結者湯劑中入醋爲佐特於此而申言之然猶有所謂血驚氣驚酒驚者又不可不知也蓋平時酷酒血入於酒則爲酒驚平時任氣血凝

於氣則為氣驚虛勞痼冷敗血化生則為血
 驚搖頭掉尾如蟲之行上侵人之喉下蝕人
 之肛或附於背脇或隱於胸腹其大則如鱉
 其小則如錢良可怪也治法川蕪荑炒煎為
 妙或生硫黃為末老酒調下二者可以殺其
 毒嗣此則以理中湯沉香降氣湯各半溫胃
 益血常常服餌以消勝之如其不以溫和為
 主日從事於雷圓錫灰之劑焉君子未保其
 往活人書云傷寒太陽證衄血者病欲愈熱
 結膀胱而血自下者亦欲愈以此觀之他

病伏熱之人上焦瘀血而作吐者亦其病
 之有瘳也雖然血既吐而自止則可矣

諸氣方論

人以氣為主一息不運則機緘窮一毫不續
 則穹壤判陰陽之所以升降者氣也血脉之
 所以流行者亦氣也榮衛之所以運轉者氣
 也五臟六腑之所以相養相生者亦此氣也
 盛則盈衰則虛順則平逆則病氣也者獨非
 人身之根本乎人有七情病生七氣七氣者
 寒熱怒恚喜憂愁或以為喜怒哀憂思悲驚恐

皆通也然則均調是氣將何先焉曰氣結則生痰痰盛則氣愈結故調氣必先豁痰如七氣湯以半夏主治而官桂佐之蓋良法也况夫冷則生氣調氣雖用豁痰亦不可無溫中之劑其間用桂又所以溫其中也不然七氣相干痰涎凝結如絮如膜甚如梅核窒礙於咽喉之間咯不出嚥不下或中滿艱食或上氣喘急曰氣隔曰氣滯曰氣秘曰氣中以至五積六聚疝癰瘕瘕心腹塊痛發卽欲絕殆

無往而不至矣 冷氣者生冷傷脾風冷入胃或血海虛冷冷則生氣用和劑七氣湯治中湯沉香降氣湯大沉香圓 痰結者三因七氣湯指迷七氣湯易簡二陳湯 中滿者痞滿不食水氣腫脹面目俱浮枳殼散加南木香大流氣飲指迷七氣湯順氣木香散三和散五皮散加半夏茯苓 上氣者氣逆而上呼吸喘促分氣紫蘇湯蘇子降氣湯或嚼蘇合香圓以秘傳降氣湯送下 氣隔者陰

陽不和中皖室塞五隔吐噫食不能下五隔
寬中散和劑七氣湯加木香縮砂間以紅圓
子佐之 氣滯者滯於胸膈則脹滿滯於手
足則浮腫滯於腰間則墜痛脹滿用異香散
調氣散沉香降氣湯仍與神保圓或少蓬煎
圓利之浮腫用三和散夾生料五苓散或五
皮散加桂吞青木香圓局方流氣飲加赤茯
苓枳殼腰痛俞山人降氣湯局方七氣湯加
橘核或粹桂煎湯點調氣散吞青娥丸 氣

秘者停宿不消腸胃留滯大便不通蘇合香
圓夾和感應圓或楊氏麝香圓局方麻仁圓
並用枳殼散送下氣疾之人多因氣不歸元
遂成氣中狀如中風仆倒昏迷牙關緊急只
是無痰此爲氣中不得誤用風藥及通關利
溙等輩先以薑汁泡湯調蘇合香圓次用七
氣湯大流氣飲加石菖蒲繼之氣順而蘇卽
以治中湯加木香以和其中使氣歸常道若
更不能調則氣逆而厥又有變證 五積者

五臟之所積其病難醫六聚者六腑之所聚其病易治挾水爲癖挾血爲癥氣血水飲皆能結塊輕者神保圓以麝香湯送下或少與蓬煎圓撞氣阿魏圓三稜煎圓重者如意圓頂珠圓酌量用 又一證漉漉作聲腹中纏滯他無所苦此爲水飲消飲圓倍木圓方並見水腫二薑圓夾和用之 人有血氣心知之性而無哀樂喜怒之常一種婦人平時任氣易爲七情所傷適月事經季不行一身百病胸

臆氣填嘔惡全不入食入食則吐痰涎或一塊如核窒塞胸喉而痛或一塊如卵築觸心下而疼或腹中塊物動而作痛攻刺腰背時發熱四肢乏力脚不能行小便白濁浮油帶下淋瀝日就瘦弱全似虛勞然而穀雖不入果子雜物常喜食之却只是有孕諺所謂孕婦做得百般病者此也用藥但以二陳湯加縮砂桔梗薑棗烏梅同煎半夏理氣消痰縮砂安胎順氣北梗以開胸喉之隔服之自

然安平若妄以剛劑溫胃胎氣必煩病無由
愈白濁一節謹勿燥瀝二陳湯加白茯苓以
下白圓子方並見咳嗽門可也若夫七情所發逆氣
填胸不惟核膜上塞咽喉甚者攻擊滿悶欲
絕產後尤多有之故曰產前安胎產後調氣
男女或有智喉間梅核作
恙者觸事勿怒飲食勿冷

管見大全良方

氣中證治

若卒然急中不省人事當于細審問若因氣

不順而中者當作氣中治之其說雖不見於
古書考其至理多由喜怒過傷暴怒傷陰暴
喜傷陽又云怒則氣逆喜則氣緩怒極傷肝
喜極傷心氣血交亂經絡壅遏蓋人之氣象
天地之風鬱抑則生疾其中人也卒其眩人
也暈激人涎浮昏人神亂所以聖人以風為
百病之長若中氣者亦牙關緊急手足搐搦
四肢不舉漸漸無知悶絕而倒但口中無涎
者是其證也是齋云治法與中風同宜先與

蘇合香圓或麝香煎五積散或木香調氣散
分心氣飲參蘇飲嘉禾散烏藥順氣散皆有
効
心氣脾疼證治
心脾冷痛者此是有積若有寒積者宜先與
溫白圓老人不可用此只與木香推氣圓次
與感應圓兼博濟方葱白散有寒者與大沉
香圓次與蓬煎圓
胸膈不快證治

胸膈不快氣滯者可與穀神嘉禾散沉香降
氣湯烏沉湯七香圓快膈圓治中湯大便秘
者與青木香圓

腹脇脹滿證治

夫腹脹滿者有鼓脹穀脹寒脹留飲等證用
藥皆異且以疾證輕者治之一切腹脹者可
與三和散流氣飲枳殼散分心氣飲
東垣試效方心下痞

心下痞論

五常政大論云土平日備化備化之紀其養肉其病痞陰所至爲積飲痞隔夫痞者心下滿而不痛者是也太陰者濕土也土壅塞乃土來心下爲痞滿也傷寒下之太早亦爲痞乃因寒傷其榮榮者血也心主血邪入於本故爲心下痞仲景立瀉心湯數方皆川黃連以瀉心下之土邪其效如響應桴故活人云審知是痞先用桔梗枳殼湯非用此專治痞也蓋因見錯下必成痞證是邪氣將陷而欲

過胃中故先用以截散其邪氣使不至於痞先之一字預用之意也若已成痞而用之則失之晚矣不惟不能消痞而反傷胃中至高之正氣則當以仲景痞藥治之經云察其邪氣所在而調之正謂此也非止傷寒如此至於酒積雜病下之大過亦作痞滿蓋下多則亡陰亡陰者謂脾胃水穀之陰亡也故胃之氣因虛而下陷於心之分野故致心下痞宜升胃氣以血藥治之若全用氣藥導之則其

痞益甚甚而復下氣愈下降必變爲中滿鼓腹皆非其治也又有虛實之殊如實痞大便秘厚朴枳實主之虛痞大便利者芍藥陳皮治之如飲食所傷而爲痞滿者當內消導其胃中空塞上逆兀兀欲吐者則宜吐之所謂在上者因而越之也凡治痞者宜詳審焉
儒門事親

九氣感疾更相爲治衍

天以氣而燾地以氣而持萬物盈乎天地之

間咸以氣而生及其病也莫不以氣而得且風之氣和平而壘啓熱之氣暄而舒榮火之氣炎暑而出行濕之氣埃溽而負盈燥之氣清勁而悽愴寒之氣寒氣而歸藏此六氣時化司化之常也及其變風之氣飄怒而反大涼熱之氣大暄而反寒火之氣飄風燔燎而反霜凝濕之氣雷霆驟注而反烈風燥之氣散落而反濕寒之氣寒雪霜雹而反日埃此六氣之變也故天久寒則治之以暑天久涼

則治之以暄天久晦則治之以明天久晴則
治之以雨夫天地之氣常則安變則病而况
人稟天地之氣五運迭侵於其外七情交戰
於其中是以聖人嗇氣如持至寶庸人投物
而反傷大和此軒岐所以論諸痛皆因於氣
百病皆生於氣遂有九氣不同之說氣本一
也因所觸而爲九所謂九者怒喜悲恐寒暑
驚思勞也其言曰怒則氣逆甚則嘔血及殮
泄故氣逆上矣王太僕曰怒則陽氣逆上而

肝木乘脾故甚則嘔血及殮泄也喜則氣和
志達榮衛通利故氣緩矣悲則心系急肺布
葉舉而上焦不通榮衛不散熱氣在中故氣
消矣恐則精却却則上焦閉閉則氣還還則
下焦脹故氣不行矣王太僕云恐則傷精却
上而不下流下焦陰氣亦迴環而不散故聚
而脹也然上焦固禁下焦氣還故氣不行也
新校正云不行當作下行寒則腠理間玉機微義
作氣不行故氣收矣王太僕云身涼則衛氣

沉故皮膚文理及滲泄之處皆閉密而氣不
流行衛氣收斂于中而不散也炅則腠理開
榮衛通汗大出故氣泄矣王太僕云人在陽
則舒在陰則慘故熱則膚腠開發榮衛大通
津液而汗大出也驚則心無所依神無所歸
慮無所定故氣亂矣勞則喘息汗出內外皆
越故氣耗矣王太僕云疲勞役則氣奔速故
喘息氣奔速則陽外發故汗出內外皆踰越
於常紀故氣耗損也思則心有所存神存所

歸正氣留而不行故氣結矣王太僕云繫心
不散故氣亦停留此素問之論九氣其變甚
詳其理甚明然論九氣所感之疾則略惟論
嘔血及飧泄余皆不言惟靈樞論思慮悲哀
喜樂愁憂盛怒恐懼而言其病其言曰知者
知養生也必順四時而適寒暑和喜怒而安
居處卽陰陽而和剛柔如是則辟邪不至而
長生久視是故怵惕思慮則傷神神傷則恐
懼流淫而不至因悲哀動中者竭絕而失生

喜樂者神蕩散而不藏愁慮者氣閉塞而不
行盛怒者神迷惑而不治恐懼者神蕩憚而
不收怵惕思慮而傷神神傷則恐懼自失破
脘脫肉毛痺色夭死于冬脾憂愁而不解則
傷意意傷則恍亂四支不舉毛痺色夭死于
春肝悲哀動中則傷魂魄傷則狂妄不精不
正當人陰而攣筋兩脇不舉毛痺色夭死于
秋肺喜樂無極則傷魄魄傷則狂狂者意不
存人毛革焦毛痺色夭死于夏腎盛怒而不

止則傷志志傷則喜忘其前腰脊不可俛仰
屈伸毛痺色夭死于季夏恐懼不解則傷精
精傷則骨痿厥精時自下是故五藏主藏精
者也不可傷傷則失守而陰虛虛則無氣無
氣則死矣靈樞論神意魂魄志精所主之病
然無寒暑驚勞四證余以是推而廣之怒氣
所至爲嘔血爲殮泄爲煎厥爲薄厥爲陽厥
爲胷滿脇痛食則氣逆而不下爲喘渴煩心
爲消瘴爲肥氣爲目暴盲耳暴閉筋縱發于

外爲疽癰喜氣所至爲笑不休爲毛革焦爲
內病爲陽氣不收甚則爲狂悲氣所至爲陰
縮爲筋攣爲肌痺爲脉痿男爲數溲血女爲
血崩爲酸鼻辛頰爲目昏爲少氣不能報息
爲泣則臂麻濕微義作恐氣所至爲破胭脫肉爲
骨痠痿厥爲暴下綠水爲面熱膚急爲陰痿
爲懼而脫頤驚氣所至爲潮涎爲自畏爲口
喏爲癡癩爲不省人爲僵仆久則爲瘖痺勞
氣所至爲咽噎病爲喘促爲嗽血爲腰痛骨

痿爲肺鳴爲高骨壞爲陰痿爲唾血爲冥視
爲耳閉男爲少精女爲不月衰甚則潰潰乎
若壞都汨汨乎不可止思氣所至爲不眠爲
嗜卧爲昏瞶爲中痞三焦閉塞爲咽噎不利
爲膽癯嘔苦爲筋癭爲白淫爲得後與氣快
然如衰爲不嗜食寒氣所至爲上下所出水
液澄澈清冷下痢清白吐痢腥穢食已不飢
堅痞腹滿急痛癥瘕癰疽屈伸不便厥逆禁
固炁氣所至爲喘嘔吐酸暴注下迫轉筋小

便渾濁腹脹大而鼓之有聲如鼓瘡疽瘍疹
痛氣結核吐下霍亂脅鬱腫脹鼻塞軌衄血
溢白泄淋悶身熱惡寒甚則脅瘕目昧不明
耳鳴或聾躁擾狂越罵詈驚駭禁慄如喪神
守氣逆衝上嘔嘔涌溢食不下附腫疼痠暴
瘡暴注暴病暴死凡此九者內經有治法但
以五行相勝之理治之夫怒傷肝肝屬木怒
則氣並於肝而脾土受邪木太過則肝亦自
病喜傷心心屬火喜則氣並於心而肺金受

邪火太過則心亦自病悲傷肺肺屬金悲則
氣並於肺而肝木受邪金太過則肺亦自病
恐傷腎腎屬水恐則氣並於腎而心火受邪
水太過則腎亦自病思傷脾脾屬土思則氣
並於脾而腎水受邪土太過則脾亦自病寒
傷形形屬陰受受熱則陽受病寒太過則陰
亦自病炆傷氣氣屬陽熱勝寒則陰受病熱
太過則陽亦自病凡此七者更相爲治故悲
可以治怒以愴惻苦楚之言感之喜可以治

悲以謔浪褻狎之言娛之恐可以治喜以迫
遽死亡之言怖之怒可以治思以汚辱欺罔
之言觸之思可以治恐以慮彼忘此之言奪
之凡此五者必詭詐譎恠無所不至然後可
以動人耳目易人視聽若胷中無材器之人
亦不能用此五法也炁可以治寒寒在外者
以焯鍼煖熨烙灸湯而汗之寒在內者以熱
食溫齊平之寒可以治炁炁在外者以清房
涼塌薄衣以清齊汗之炁在內者以寒飲寒

齊平之惟逸可以治勞經曰勞者溫之溫謂
溫存而養之今之醫者以溫爲溫之藥差之
久矣歧伯曰以救俛仰亦謂休息之也惟習
可以治經經曰驚者平之平謂平常也夫驚
以其忽然而遇之也使習見習聞則不驚矣
此九者內經自有是理庸工廢而不行今代
劉河間治五志獨得言外之意謂五志所發
皆從心造故凡見喜怒哀悲恐思之證皆以平
心火爲主至于勞者傷於動動便屬陽驚者

類聚
六十一
駭于心心便屬火二者亦以平心爲主今之
醫者不達此旨遂有寒涼之謗群聚而譟之
士大夫又從而惑之公議何時而定耶昔余
治一書生勞苦太過大便結燥欬逆上氣時
喝喝然有音唾嘔鮮血余以苦齊解毒黃連
湯加木香漢防已煎服時時啜之復以木香
檳榔丸泄其逆氣不月余有痊余又嘗以巫
騷妓抵以治人之悲結者余又嘗以鍼下之
時使雜舞忽笛鼓應之以治人之憂而心痛

者余嘗擊拍門窓使其聲不絕以治因驚而
畏響魂氣飛揚者余又嘗治一婦人久思而
不眠余日醉而不問婦果叫怒是夜困睡又
嘗以酸棗仁丸治之多憂以白虎湯不計四
時調理人之暑余又以無憂散瀉人冬月得
水中之寒痺次以麻黃湯數兩作一齊煎以
棗薑熱服汗出而愈如未愈者以苳帶散涌
之以次助其寒治寒厥亦然余嘗治大暑之
病諸醫無效余從其頭數刺其痛出血立寒

余治此數者如探囊然惟勞而氣耗恐而氣奪者爲難治喜者少病百脉舒和故也昔聞山東楊先者治府主洞泄不已楊初未對病人與衆人談日月星辰躔度及風雲雷雨之變自辰至未而病者聽之而忘其園揚嘗曰治洞泄不已之人先問其所患之事好碁者與之碁好樂者與之笙笛勿輟又聞莊先生者治以喜樂之極而病者莊切其脉爲之失聲佯曰吾取藥去數日更不來病者悲泣亂

其親友曰吾不久矣莊知其將愈慰之詰其故莊引素問曰懼勝喜此二人可謂得玄關者也然華元化以怒郡守而幾見殺文摯以怒齊王而竟殺之千萬人中僅得一兩人而反招暴禍若乃醫本至精至微之術不能自保果賤枝也哉悲夫
衛生寶鑑

藥戒

客有病痞者積於其中伏而不得下自外至

者捍而不得納從醫而問之曰非下之不可歸而飲其藥既飲而暴下不終日而向之伏者散而無餘向之捍者柔而不支焦膈導達呼吸開利快然若未始有疾者不數日痞復作投以故藥其快然也亦如初自是不逾月而痞伍作而伍下每下輒愈然客之氣一語而三引體不勞而汗股不步而慄膚革無所耗於前而其中芥然莫知其所來嗟夫心痛非下不可已予從而下之術未爽也芥然獨

何如聞楚之南有良醫焉往而問之醫嘆曰子無怪是芥然者也凡子之術固爲是芥然也坐吾語汝且天下之理有甚快於吾心者其末必有傷求無傷於終者則初無望其快於吾心夫陰伏而陽蓄氣與血不運而爲痞橫乎子之胷中者其累大矣擊而去之不須臾而除甚大之累和平之物不能爲也必將擊搏震撓而後可夫人之和氣冲然而甚微泊乎其易危擊搏震撓之功未成而于之和

蓋已病矣由是觀之則子之痞凡一快者子
 之和一傷矣不終月而快者五子之和平之
 氣不既索乎故體不勞而汗股不步而慄茶
 然如不可終日也且將去子之痞而無害於
 和也子歸燕居三月而後與之藥可為也客
 歸三月齋戒而復請之醫日子之氣少復矣
 取藥而授之曰服之三月而疾少平又三月
 而少康終年而復常且飲藥不得亟進客歸
 而行其說然其初使人懣莫因然而遲之蓋

三投藥而三反之也然日不見其所攻之効
 久較則月異而時不同蓋終歲而疾平客謁
 醫再拜而謝之坐而問其故醫曰是醫國之
 說也豈特醫之於疾哉子獨不見秦之治民
 乎悍不罕及性而不聽分懂而不勤事放而
 不畏法令之不听治之不變則秦之民嘗痞
 矣商君見其痞也厲以刑法威而斬伐悍厲
 猛驚脂利不貸毫髮痛刻楚限而力鋤之於
 是乎秦之政如建記優瓴蘆經流通四達無

散或拒而秦之痞嘗一快矣自孝公以至二世也凡幾痞而幾快矣頑者已圯部鄢反強者已柔而秦之民無歡心矣史商公傳孝公用術鞅欲變法孝公曰善卒定變法之令令民為什伍而相收司連坐不告奸者腰斬告奸者與斬敵首同賞匿姦者故猛政一快者歡心一亡積快而不已而秦之四支枵然徒具其物而已民心日離而君孤立於上故匹夫大呼不終日而百疾皆起秦欲運其手足肩膂而漠然不我應故秦之亡者是好為快者之過也昔者

先王之民其初亦嘗痞矣先王豈不知若然擊去之以為速也惟其有傷於終也故不敢求快於吾心優柔而撫存之教以仁義導以禮樂陰解其亂而除去其滯旁視而憇然有之矣然月計之歲察之前歲之俗非今歲之俗也不擊不搏無所忤逆是以日去其戾氣而不嬰其歡心於是政成教達安樂久而無後患矣是以三代之治皆更數聖人歷數百年而後俗成則子之藥終年而愈疾蓋無足

怪也故曰天下之理有快於吾心者其末也
必有傷求無傷於其終則初無望其快吾心
雖然豈獨於治天下哉客再拜而記其說
澹寮方

中氣

醫書論中風謂治療多端當推其所自若因
七情得之法當調氣不當治風因六淫得之
亦當先與調氣後依所感之證治之蓋以中
風者亦多兼氣况富貴汲汲貧賤戚戚久思

所愛遽失所重凡志不遂氣故逆豈無中氣
之說歟其證乃閉目不語四肢不收涎潮昏
沉大略與中風相似祇當治以氣藥不可用
搜風及疎泄之劑蓋其證本是氣弱又無客
邪所湊故不可發散導利之也
世言氣中者雖不見於方書然暴喜傷陽暴
怒傷陰憂愁不意氣多厥逆往往多得此疾
便覺涎潮昏塞牙關緊急若槩作中風候用
藥非止不相當多致殺人許學士云元祐庚

午其母親遭此禍至今飲恨母氏平時食素
氣血羸弱因先子捐館憂惱忽一日氣厥牙
噤涎潮有一里鑿便作中風以大通元三粒
下之大下數行一夕而去許常痛恨每見此
證急化蘇合香圓四五粒灌之便醒然後隨
其虛實寒熱而調治之無不愈者經云無故
而瘖脉不至不治自已謂氣暴逆也氣復則
已審如是雖不服藥亦可

本事

七氣

夫五臟六府陰陽升降皆氣也惟神安則氣
寧神不安則氣亂氣亂則何疾而不生焉故
黃帝曰余知百病皆生於氣也喜傷心其氣
散怒傷肝其氣擊憂傷肺其氣聚思傷脾其
氣結悲傷心胞其氣急恐傷腎其氣怯驚傷
膽其氣亂又曰怒則氣上喜則氣緩悲則氣
消恐則氣下寒則氣收熱則氣泄驚則氣亂
勞則氣耗思則氣結乃七氣九氣之不同也
陳無擇所謂本由一氣鬱而生痰亦可博而

約之者矣故錄之于後方
醫方大成

氣

諸疝膀胱

人稟天地陰陽之氣以生藉血肉以成其氣
一氣周流於其中以成其神形神俱備乃謂
全體故婦人宜耗其氣以調其經男子息養
其氣以全其神惟氣得暖則行貴乎宣流調
抆非宜致生多證故內因七情而得之喜怒哀
憂思悲恐驚者是也喜傷於心者其氣散怒

傷於肝者其氣擊憂傷於肺者其氣聚思傷
於脾者其氣結悲傷於心胞者其氣急恐傷
於腎者其氣怯驚傷於膽者其氣亂雖七證
自殊無踰於氣又有體虛者外爲風冷乘之
入於腹中遂成諸疝發則小腹疼痛或繞
腸或逆搶心甚則手足厥冷自汗嘔逆或大
小便澁疝氣之證亦有七種厥疝癥疝寒
疝氣疝盤疝附疝狼疝者是也厥疝則心痛
足冷食已則吐癥疝則腹中氣積如臂寒疝

則飲食因寒卒然脇腹引痛氣疝乍滿乍減而痛盤疝腹中痛引臍傍疝則腹痛連臍下有積聚狼疝小腹與陰相引而痛治療之法若因七情所傷者當調其氣而安其五臟外邪所干者當溫而散之倘治之非道內外之氣交入於腎者爲腎氣入于膀胱者爲膀胱氣入于小腸者爲小腸氣因寒而得者遇寒而發喜怒而得者遇喜怒而發甚則結而爲積聚或於左右脇下有物如覆杯或長如

展臂或腹大如盤令人羸瘦少氣洒淅寒熱飲食不爲肌膚積聚之脉厥而緊浮而牢牢強急者生虛弱者死臨證審而行之

永類鈐方

七氣

人稟天地陰陽之炁以生一氣升降周流一身呼吸定息往來無窮皆氣所爲亦猶天地也六淫之氣干於腑藏者外因也已散見於百病類例之中七情之氣干於腑藏者內因

也七者不同氣本乎一是一也尚隸於陰陽有形之氣和天元真一無形之氣祖者則無病矣六腑惟膽有者蓋是奇恒淨府非轉輸例故能畜驚而為病也其餘痰喘膈噎癩疝積聚脹滿具見各門皆藏氣不行鬱而生痰隨氣積聚變生諸証先明寒熱次分五藏寒則經絡凝澁故氣收聚熱則榮衛湊理開通氣泄而汗亦出也

中藏經云諸氣屬肺陽中之陽居五藏之上為華蓋系清陽上升之炁傷寒發喘有大陽陽明二証屬熱可知故仲景所用皆清利之藥簡易分心氣飲之論有合於此溫熱藥宜少用又有合於五膈五噎支派疏之說用藥者當通論之至於炁之為積聚者亦先清利而後溫散為可法也

脉

病證

治

積聚之

喜氣散故傷間易分心氣飲治氣藥

心 自汗

多溫熱此方獨清而

脉厥而

疎快分氣紫蘇飲木

緊浮而

怒氣擊故傷

香分氣湯集局方降

肝上氣短

氣湯大降氣湯二十

牢牢強

乏

四味流氣飲愈山人

急者生

憂氣聚故傷

降氣湯加減降氣湯

肺夜臥不

宣滯閃判復元通氣

虛弱者

安

散蘇合香元集葉氏

消氣散療濕止吐養

死

氣湯

上氣喘

思氣結故傷局方四七湯七氣湯木香

脾腹脹肢

調炆散沉香降炆湯

惰

秘轉降氣湯風壅三

和散腎氣冷痛異香

息脉滑

悲氣急故傷

散攻痛蟠葱散塩煎

心胞攣腫

散小烏沉湯疎導五

健忘

香散四磨湯虛冷沉

者生數

恐氣怯故傷

御院紫沉通氣湯沉香

而瀋四

腎 猶豫精

升氣散木香順炁元

却

痞滯順氣寬中元分

肢寒者

木香檳榔元

死

驚氣亂故傷 楊氏三香正氣散通氣

膽 神慮恍

元消冷脹元阿魏理

惚

中元熱脹導氣元

施圓端効方

諸氣

內經云天有五行御五位以生寒暑燥濕風
 人有五藏化五氣以生喜怒憂思恐天地升
 降之間上下氣交之分人氣居之幻化一身
 病生千種論云常富常貧名曰失精五氣留
 連病有所并憂愁則閉血不行思慮則食味
 不化血為憂煎氣為悲滅註云貴之尊榮賤
 之屈辱心懷眷慕志結憂惶雖不中邪病從
 內生名曰脫榮刑體日減氣虛無精病深氣
 弱洒然時驚外耗於衛內奪於榮不在藏府

不變軀形診之而疑不知病情從內之外治
內先明今以情俗多昧耽著緇羽忘疲日用
不知福世無窮至德翻追過往虛望將來無
救目前遠謀近失耳

事林廣記

氣中證候

又有氣中一證不可不知此病多生於嬌貴
之人因事激挫忿怒盛氣不得宣泄逆氣上
行忽然仆倒昏迷不省人事牙關緊硬手足

拘攣者其狀與中風無異但口內無涎聲有
此一證即是氣中不可妄投取涎發汗等藥
反生他病但得與七氣湯分解其氣散其壅
結其自自止七氣湯併進効速更與蘇合香
丸服

玉機微義氣證

內經敘諸氣動為病
陰陽應象論云喜怒傷氣寒暑傷形暴怒傷
陰暴喜傷陽厥氣上行滿脉去形喜怒不節

寒暑過度生乃不固故重陰必陽重陽必陰
玉機真藏論云憂喜悲恐怒令不得以其次
故令人有大病矣因而喜大虛則腎氣乘矣
憂則心氣乘矣怒則肝氣乘矣悲則肺氣乘
矣恐則脾氣乘矣
舉痛論云自病生於氣也怒則氣上喜則氣
緩悲則氣消恐則氣下寒則氣收炆則氣泄
驚則氣亂勞則氣耗思則氣結九氣不同也
爲病詳見本文

脉法

經曰脉滑者多血少氣 澁者少血多氣
大者血氣俱多 脉來大而堅者血氣俱實
小者血氣俱少 脉來細而緩者血氣俱虛
代者氣衰 細者氣少 浮而絕者氣 辟
大而滑中有短氣 尺脉濇而堅爲血實氣
虛 尺脉細而微者血氣俱不足 云云見
本文
劉立之脉理玄要曰下手脉沉便知是氣沉
極則伏濇弱難治其或沉滑氣兼痰飲

論九氣動爲諸證

子和云夫天地之氣常則安變則病云云引

素問曰懼勝喜可謂得玄關者也

詳見儒門事親

按此論九氣所動病機至爲詳悉然七情諸證局方多用氣藥論治固然但不分其夾熱兼痰虛實之例而於寒熱二證亦似謂備於九氣兼用氣藥而治之其弊甚矣且夫七情諸證有乘逆厥中之殊人有苦樂安擾之異是以先哲就用五志相勝之

理治之藥之於傷寒溫暑自有其例也後世俗不能本此恃之於藥而相勝之理不行况其藥不熱卽峻虛虛實實不無差悞故河閒戴人者出論已上病機究所至之因以平火爲主兼五志相勝之理或音樂抵戲甚至詭詐譎怪諸法爲治應變亦已至矣我東垣丹溪先生更論諸氣爲病有鬱痞逆滯不同隨證用藥有寒熱溫涼之異如勞氣者宜補中益氣滋陰助陽或兼

所挾之邪論治深備先哲旨趣惜乎其道皆不能大行于世者由局方障之也

氣中似風證論

詳見諸風門

理氣宜導痰論

詳見咳嗽門

氣屬陽動作火論

原病式曰氣爲陽而主輕微諸所動亂勞傷乃爲陽火之化神狂氣亂而爲病熱者多矣子和云河間治五志獨得言外之意凡見喜怒哀悲恐思之證皆以平心火爲主至于勞者

傷於動動便屬陽驚者駭于心心便屬火二者亦以平心火爲主今之醫者不達此旨遂有寒涼之謗

謹按或云悍衛冲和不息之謂氣擾亂妄動變常之謂火當其和平之時外護其表復行於裏周流一身循環無端出入升降繼而有常源出中焦總統於肺氣曷嘗病於人也及其七情之交攻五志之間發乖戾失常清者遽變之爲濁行者抑遏而反

上表失衛護而不和內失健悍而少降營
運漸遠肺失主持妄動不已五志厥陽之
火起焉上燔於肺氣乃病焉何者氣本屬
陽反勝則爲火矣河間有曰五志過極皆
爲火也何後世不本此議而一槩類聚香
辛燥熱之劑氣作寒治所據何理且言指
迷七氣湯製作者其皆用青皮陳皮三稜
蓬朮益智官桂甘草遂爲平和可以常用
通治七情所傷混同一意未喻其藥以治

某氣已下諸方尤有甚焉者茲不復敘况
所起之情各各不同且夫經言九氣之變
未嘗略而不詳如怒則氣上等證其言治
法高者抑之下者舉之寒者熱之熱者寒
之驚者平之勞者溫之結者散之喜者以
恐勝之悲者以喜勝之九氣之治各有分
別何嘗混作寒論而類以香熱之藥通言
而治諸氣豈理之謂歟若香辛燥熱之劑
但可劫滯氣衝快於一時以其氣久抑滯

借此暫行開發之意藥中不佐制伏所起之氣服甚則增熾鬱火蒸熏氣液而自成積積滋長而成痰一飲下膈氣乃氤氳清虛之象若霧露之著物雖滯易散內挾痰積開而復結服之日久安有氣實而不動氣動而不散者乎此皆人所受悞之由習俗已久相沿而化卒莫能救升發太過香辛散氣燥熱傷氣真氣耗散濁氣上騰猶曰腎虛不能攝氣歸原遂與蘇子降氣湯

四磨湯下黑錫丹養氣丹鎮墜上升之氣且硫黃黑錫佐以香熱又無補養之性藉此果能生氣而補腎乎請熟詳之夫濕痰甚者亦或當之初服未顯增變由喜墜而愈進形質弱者何以收救不悟肺受火炎子氣亦弱降令不行火無以制相扇而動本勢空虛命絕如縷積而至深丹毒濟大一旦火氣狂散喘息奔急而死吁以有形丹石丸藥重墜無形之氣其氣將何抵受

隨而降之乎譬以石投水水故未嘗沉也
豈不死歟丹溪有曰上升之氣自肝而出
中挾相火其熱爲甚自覺其冷非真冷也
火極似水積熱之甚陽亢陰微故有此證
認假作真似是之禍可勝言哉內經雖云
百病皆生於氣以正氣受邪之不一也今
七情傷氣鬱結不舒痞悶壅塞發爲諸病
當詳所起之因滯於何經上下部分臟氣
之不同隨經用藥有寒熱溫涼之同異若

枳殼利肺氣多服損胃中至高之氣青皮
瀉肝氣多服損真氣與夫木香之行中下
焦氣香附之快滯氣陳皮之泄逆氣紫蘇
之散表氣厚朴之瀉衛氣檳榔之瀉至高
之氣藿香之馨香上行胃氣沉香之升降
真氣腦麝之散真氣若此之類氣實所宜
其中有行散者有損泄者其過劑乎用之
能却氣之標而不能制氣之本豈可又佐
以燥熱之藥以火濟火混同謂治諸氣使

之常服多服可乎氣之與火一理而已動靜之變反化爲二氣作火論治與病情相得丹溪發揮論之冷生氣者出於高陽生之謬言也身非自受寒氣口食寒物而是論寒者吾恐十之無一二也

論局方用熱藥治諸氣之誤

丹溪曰治氣一門有曰治一切氣冷氣滯氣逆氣上氣用安息香丸丁沉丸大沉香丸蘇子丸勻氣散如神丸集香丸白沉香散煨薑

丸搥煎散七氣散溫白丸生氣湯悉用熱藥夫天地周流於人之一身以爲生者氣也陽往則陰來陰往則陽來一升一降無有窮已苟內不傷於七情外不感於六淫其爲氣也何病之有今日滯氣逆爲上氣皆是肺受火邪氣得炎上之化有升無降熏蒸清道甚而至以上焦不納中焦不化下焦不滲遂展轉傳變爲嘔爲吐爲膈爲噎爲痰爲飲爲翻胃爲吞酸夫治寒以熱治熱以寒此正治之法

也治熱用熱治寒用寒此反佐之法也詳味前方既非正治又非反佐此愚之所以不能無疑也觀其微意可表者汗之可下者利之滯者導之鬱者揚之熱者清之寒者溫之偏寒偏熱者反佐而行之挾濕者淡以滲之挾虛者補而養之何嘗例用辛香燥熱之劑以火濟火實實虛虛咎將誰執

論氣無補法之悞

丹溪曰氣無補法俗論也痞悶壅塞似難於

補不思正氣虛者由七情內傷六淫外侵飲食不節房勞致虛脾土之陰受傷轉運之官失職胃雖受穀不能運化故陽升陰降而成天地不交之否清濁相混邪何由行此等理宜補養却厚味斷妄想遠音樂無有不安謹按氣者本腑臟天真之原也虛由七情及勞傷等因所致則正氣原氣不足也故宜補之則氣實氣化病邪漸除經曰虛則補之是也此補者補其不足也非爲病邪

陷下腑臟精氣已憊天真元氣已絕而施
補乎此等非虛也非不足也無補之法必
矣大抵世俗拘此止謂治法攻邪不審補
虛養正之理實實虛虛悞人生命蓋不思
之甚矣

金匱方

奔豚氣病脉證治

師曰病有奔豚有吐膿有驚怖有火邪此四
部病皆從驚發得之師曰奔豚病從少腹起

上衝咽喉發作欲死復還止皆從驚恐得之
奔豚氣上衝胸腹痛往來寒熱奔豚湯上之
奔豚湯方

甘草

芎藭

當歸

各二兩

半夏

四兩

黃芩

二兩

生葛

五兩

芍藥

二兩

生姜

四兩

甘李根白皮

一斤

右九味以水二斗煮取五升溫服一升日
三夜一服

發汗後燒針令其汗針處被寒核起而赤者
必發貫豚氣從小腹上至心灸其核上各一

壯與桂枝加桂湯主之

桂枝加桂湯方

桂枝

五兩

芍藥

三兩

甘草

二兩

生姜

三兩

大棗

十二枚

右五味以水七升微火煮取三升去滓温

服壹升

發汗後臍下悸者欲作賁豚茯苓桂枝甘草

大棗湯主之

茯苓桂枝甘草大棗湯方

茯苓

半斤

甘草

二兩

大棗

十五枚

桂枝

四兩

右四味以甘爛水一斗先煮茯苓減二升

納諸藥煮取三升去滓温服壹升日三服

甘爛水法取水二斗置大盆內以杓揚之

水上有珠子五六千顆相逐取用之

千金方

積氣

七氣者寒氣熱氣怒氣恚氣喜氣憂氣愁氣

凡七種氣積聚堅大如杯若梓在心下腹中

疾痛不能飲食時來時去每發欲死如有禍
祟此皆七氣所生寒氣即嘔逆惡心熱氣即
說物不竟而迫怒氣即上氣不可忍熱痛上
搶心短氣欲死不得息恚氣即積聚在心下
不得飲食喜氣即不可疾行不能久立憂氣
即不可劇作暮卧不安愁氣即喜忘不識人
語置物四方還取不得去處若聞急即四肢
臃腫手足筋攣捉不能舉如得病此是七氣
所生男子卒得飲食不時所致婦人即產後

中風諸疾也

七氣圓方

烏頭

各七

紫菀

半夏

前胡

細辛

丹參

茯苓

芍藥

桃人

胡洽

人

菖蒲

一作芍藥

石膏

吳茱萸

桂心

大桔

梗

各三

人參

甘草

防葵

乾薑

各一

蜀椒

各半

右二十味為末蜜丸梧子大酒服三丸日
三加至十九一方去半夏加甘遂三分胡

治無丹參甘草

七氣圓主七氣七氣者寒氣熱氣怒氣恚氣
 喜氣憂氣愁氣此之為病皆生積聚堅牢如
 杯心腹絞痛不能飲食時去時來發則欲死
 凡寒氣狀吐逆心滿熱氣狀恍惚眩胃失精
 怒氣狀不可當熱痛上盪心短氣欲絕不得
 息恚氣狀積聚心滿不得食飲喜氣狀不可
 疾行久立憂氣狀不可若作卧不安屈愁氣
 狀平故如怒喜忘四肢附腫不得舉止亦治

產後中風餘疾方

大黃二兩 人參 半夏 吳茱萸 柴胡

乾薑 細辛 桔梗 菖蒲各二分 茯苓

芎藭 甘草 蜀椒壹用 石膏 桃人各

分

右十五味為末蜜丸如梧子大每服酒下

三九日三服漸加至十丸

千金翼十味無
茯苓芎藭甘草

石膏
桃人

七氣湯治寒氣熱氣憂氣勞氣愁氣或飲食

為膈氣或勞氣內傷五臟不調氣衰少力方

乾薑 黃芩 厚朴深師作桂心 半夏 甘草

栝蒌根深師作橘皮 乾地黄 芍藥各二兩 蜀椒

三兩深師作栝梗 枳實五枚 人參一兩 吳茱萸五分

右十二味咬咀以水一斗煮取三升分三

服日三

又方治虛冷上氣勞氣等方

半夏一升 人參 生薑 桂心 甘草各壹兩

右五味咬咀以水一斗煮取三升分三服

日三

五膈圓治憂膈氣膈食膈飲膈勞膈五病同

藥服以憂恚思慮食飲得之若冷食及生菜

便發其病苦心滿不得氣息引背痛如刺之

狀食即心下堅大如粉絮大痛欲吐吐即瘥

飲食不得下甚者及手足冷上氣欬逆喘息

短氣方

麥門冬 甘草各五兩 蜀椒 遠志 桂心

細辛各三兩 附子一兩 人參四兩 乾薑二兩

右九味爲末密和丸微使淖先食含如彈丸一枚細細咽之喉中冑中當熱藥力稍盡復含一丸日三夜二服藥七日愈延年方云若不能含者可分一大丸作七小圓盡服之夏月含益麥門冬甘草人參胡洽云亦可梧子大十九酒服之經心錄以吳茱萸代桂心酒服如梧子五丸空腹服之治寒冷則心痛咽中有物吐之不出咽之不入食飲少者○和劑局方治因愁憂思

慮飲食不節動氣傷神致陰陽不和腑臟生病結於冑膈遂成憂膈氣膈飲膈勞膈食膈之病若食生冷其病卽發心冑痞滿氣不得通疼痛如刺及引背膂食卽簡易方作飲不下心下堅痛痛卽欲吐得吐卽已甚者手足逆冷上氣咳逆喘息短氣麥門冬去心甘草炙各五兩遠志去心焙細辛去苗土蜀椒去目及閉口肉桂大麓皮各三兩乾薑二兩人參者微炒出汗附子炮去皮臍右爲細末煉蜜和四兩

類聚
圓如彈子大每服壹圓含化嚥之宵隔喉
中當熱藥力稍盡更服壹圓日三服夜二
服服藥七日即愈或圓如梧桐子大温酒
下亦得食後服

治結氣冷癥積在脅下及脚氣上入小腹腹
中脹滿百病大蒜去心皮三升擣令極熟
以水三升和令調絞取汁更擣餘滓令熟
更以水三升和令調絞取汁更擣餘滓令
熟更以水三升和令調絞取汁合得九升

所得滓可桃顛人乘却以微火煎取三升
下牛乳三升合煎取三升旦起空腹一頓
温服令盡至申時食三日服一劑三十日
服十劑止

大蒜煎治疝瘕積聚冷癖痰飲心腹脹滿上
氣欬嗽刺風風癩偏風半身不隨腰疼膝冷
氣息否塞百病方

蒜六斤西兩去皮切水酥一升內牛乳二
斗煮取一斗去滓酥蒜汁中牛乳二
葦撥 胡椒 乾薑各三兩石蜜 阿魏

戎塩

各二兩

石菖蒲

木香

各一兩

乾蒲桃

四兩

右十二味爲末合內蒜汁中以銅器微火煎取一斗空腹酒下一兩五日已上稍加至三兩二十日覺四體安和更加至六兩此治一切冷氣甚良

桔梗破氣圓治氣上下否塞不能息方

桔梗

橘皮

乾薑

厚朴

枳實

細

辛

葶藶

各三分

吳茱萸

白朮

各六分

胡椒

蜀椒

烏頭

各七分

葶撥

人參

桂心

附子

茯苓

前胡

防葵

芎藭

各五分

甘草

大黃

檳榔

當歸

各八分

右二十四味爲末蜜丸如梧子大每服酒下十九日三有熱者空腹服之

檳榔湯治氣實若積聚不得食息方

檳榔

三七枚

附子

一枚

半夏

一升

細辛

一兩

大黃

紫菀

柴胡

各三兩

橘皮

甘草

紫蘇

冬用子

茯苓

各二兩

右十二味咬咀以水一斗煮取三升分三

服相去如人行十里久若有癥結堅實如石加鼈甲二兩防葵二兩氣上加桑白皮切二升枳實厚朴各二兩消息氣力強弱進二劑後隔十日更服前桔梗破氣圓治積年患氣發作有時心腹絞痛忽然氣絕腹中堅實醫所不治復謂是蠱方

檳榔大者四枚 附子一枚 半夏壹升 柴胡三兩 生薑各 橘皮八兩 甘草 桂心 當歸 枳實各二兩

右十味咬咀以水壹斗煮取三升分三服五日壹劑服三劑永除根本

半夏湯治逆氣心腹滿氣上脘脇痛寒冷心腹痛嘔逆及吐不下食憂氣結聚方

半夏升一 生薑 桂心各五兩 橘皮四兩

右四味咬咀以水七升煮取三升分四服日三夜一人強者作三服亦治霍亂後吐

逆腹痛

又方治逆氣心中煩滿氣悶不理氣上方見

吐門四
味者是

貝母湯治上氣咽喉窒塞矩氣不得卧腰背
痛胃滿不得食面色萎黃方

貝母壹兩生薑五兩桂心麻黃石膏甘

草各二兩杏仁三十枚半夏五合

右八味咬咀以水壹斗煮取三升分爲三
服日三

麻黃湯治上氣脉浮欬逆喉中水雞聲喘息
不通呼吸欲死方

麻黃八兩甘草四兩大棗三十枚射干如博棊子二枚

右四味咬咀以井花水一斗煮麻黃三沸
去沫內藥煮取四升分四服日三夜一

奔氣湯治大氣上奔胃膈中諸病發時迫滿
短氣不得卧劇者便愾欲死腹中冷濕氣腸
鳴相逐成結氣方

生薑一斤半夏壹斤吳茱萸各壹升桂心五兩人參

甘草各三兩

右六味咬咀以水一斗煮取三升分四服

○御藥院方半夏洗吳茱萸炒桂各五錢人參各三錢右咬咀每服抄六錢水二盞入生姜十片煎至六分去滓溫服不拘時候是齋醫方大治氣上奔胃鬲迫塞及腹中冷濕腸鳴痞痛褚日新傳半夏湯浸七遍吳茱萸湯浸桂心各五錢人參甘草各三兩右件為末每服三錢水一大盞薑五片煎至六分去滓食前溫服

枳實湯下氣治胃中滿悶方

枳實三枚附子二枚大棗十四枚半夏五兩人參甘草各二兩白朮乾薑厚朴各二兩右九味咬咀以水七升煮取二升半每服八合日三

下氣治氣滿腹脹方

半夏一升生薑壹斤人參壹兩橘皮三兩右四味咬咀以水七升煮取三升去滓分三服日三一方無人參止三味

治氣兩脅滿急風冷方

類聚
卷之三

杏人 茯苓 防葵 各八分 吳茱萸 橘皮

桂心 防風 澤瀉 各五分 白朮 射干

芍藥 蘇子 桔梗 枳實 各六分

右十四味為末蜜丸梧子大酒服十九日

二加至三十九

治氣滿閉塞不能食喘息方訶梨勒十枚為

末蜜丸如梧子食後服三丸不忌得利即

止

治上氣欬逆方

人參

蘇子 壹升 五味子 五合 麻黃 細辛 紫菀

人參 黃芩 甘草 各二兩 桂心 當歸 各

兩 生薑 五兩 半夏 三兩

右十二味咬咀以水壹斗煮取三升分三

服

治氣上不得卧神秘方 是齋醫方名神秘湯

橘皮 生薑 紫蘇 人參 五味子 各

兩一方 作桔梗

右五味咬咀以水七升煮取三升分三服

醫方此下云指迷方
以桑白皮易五味子

治熱發氣上衝不得息欲死不得卧方

桂心兩半白石英兩麥門冬兩枳實兩白鮮

皮兩貝母兩茯神兩檳榔兩天門冬兩

兩車前子兩人參兩前胡兩橘皮兩白薇兩

杏仁兩郁李人兩桃人兩分兩三兩代兩三兩

右十七味為末蜜和丸如梧子大以竹葉

飲服十九日二加至三十九

竹葉飲法

藥方

九十五

竹葉兩紫蘇子兩紫菀兩白前兩各二百

部甘草兩生薑兩各三

右七味咬咀以水八升煮取三升溫下前

丸藥盡更合

人參易安食下氣理胃脅并治客熱方

人參兩麥門冬兩乾薑兩當歸兩茯苓兩

甘草兩五味子兩黃耆兩芍藥兩枳實兩

兩桂心兩半夏兩大棗兩十五

右十三味咬咀以水九升煮取三升去滓

藥方

九十五

每服九合從旦至晡令盡皆熱服慎勿冷
海藻橘皮圓下氣治風虛支滿膀胱虛冷氣
上衝肺息奔令咽喉氣悶往來方

海藻 橘皮 白前各三分 杏仁 茯苓

芍藥 桂心各五分 蘇子五合 棗肉 桑根白

皮 昆布各二兩 吳茱萸 人參 白朮

葶藶各壹兩

右十五味為末蜜丸如梧子大飲服十丸
日二加至十五丸以利小便為度

治氣上方

碯砂 細辛 牛膝各等分

右三味末氣發酒服方寸匕後三日忌酒
餘禁如藥法

治上氣方

上酥升一 獨頭蒜五顆

右二味先以酥煎蒜蒜黃出之用生薑汁
壹合共煎令熟空腹溫服一方寸匕

治上氣嘔吐方芥子二升為末蜜丸寅時井

花水服如梧子七九日二亦可作散空腹服之及有酒浸服并治臍下絞痛

治勞氣方小芥子三升擣末絹袋盛酒三斗浸之密封七日去滓溫服半升漸至一升半得力更合忌如藥法

治上氣三十年不瘥方

大棗 杏仁 各一枚 豉 一伯二粒 蜀椒 二伯 右四味先擣杏仁豉令熟後內棗椒更搗為丸如棗核大含稍稍咽之日三夜一

治積年上氣不瘥垂死者方

葇苳子 熬令色變 熟羊肝 薄切曝乾

右二味各搗等分以七月七日神酢拌令相著夜不食空腹服二方寸匕須拾針兩食間以冷漿白粥二匕止之隔日一服永瘥四十日內得煮飯汁作蕪菁羹食之已外一切禁斷○聖惠方葇苳子 一兩水淘去浮者水 煮令芽出候乾炒令黃黑色 熟羊肺 一具 右件藥擣羅為末以七月七日神醋拌令相著夜不食

類聚
卷之六
九

空腹以熱水調一錢服之須臾若覺心悶者可食白粥五七口止之隔日服之永差下氣方

生薑五兩小麥一升

右二味以水七升煮取一升頓服

又方大棗二十七枚紫蘇莖葉切壹升

右二味以酒三升煮取一升半分再服水

煮亦得一方加橘皮半兩肘後方無棗川橘皮

治氣方桃皮二斤去黃者咬咀以水五升煮

取三升每服一升瘥止

又方酒服驢脂二合日二瘥止

又方黃牛乳二升煎取壹升和生乳壹升空

腹服之日二

又方驢乳初服三合三日後日別五合後至

七合七日後至壹升忌葵菜猪魚油等

又方尿空腹服百日止治一切病

又方烏牛尿空腹服日再至三升止

補氣虛逆方

大棗三升 甘皮去脉十具 乾薑二兩 乾地黄八兩

右四味治下篩酒四升漬棗三宿漉出棗取酒為炊汁將棗內甑中微火蒸令棗膏入釜中酒裏煎酒令餘二升許候甑中棗只留皮核在乃止火貯器中將前散及熱下攪令調大略與糖相似以酒服二合日再此方非止補氣亦通治一切短氣并形體羸瘦甚良

大補氣方

乾地黄五兩 甘草 秦椒各壹兩 乾薑 昆布

地骨皮四兩 白朮 桂心 人參 厚朴

海藻各三兩 羊腎壹具去膏四枚 羊肚壹具治如食法去膏腎

右十三味治下篩內羊肚中合腎縫塞肚口蒸極熟為度及熱木臼合搗取肚腎與藥為一家曝乾更擣為散酒服方寸匕日二

白石英散明目利小便治氣及補五勞七傷無所不治方

鍊成白石英十兩白石英無多少以鏈子礎上細碾向明選去蠟翳色暗黑黃赤者惟取白淨者為佳搗絹下之甕器中研令極細熟以生絹袋於銅器中水飛之如作粉法如此三度研訖澄之漸漸去水水盡至石英曝得乾看上有粗惡者亦去之更研堪用者使熟白絹袋于盛著甕枕中以甕枕蓋之於三斗米下蒸之飯熟訖取出懸之使乾更於甕器中研成之為石斛 菴蓉 各六 澤瀉 茯苓 橘皮 各壹 菟絲子 三兩

右七味治下篩總於甕器中研令相得重篩酒服方寸匕日二不得過之忌猪魚鵝

鳴蒜冷酢滑

補傷散治肺傷善泄欬善驚恐不能動筋不可遠行膝不可久立汗出鼻乾少氣喜悲心下急痛痛引胃中臥不安席忽忽喜夢寒熱小便赤黃目不遠視唾血方

天門冬壹升 防風 澤瀉 人參 阿膠各一兩 栝蘘根 前胡 芍藥 石膏 乾薑 大豆卷 二 紫葳 白欽各一兩 桂心 白朮 各四 乾地黄 甘草 薯蕷 當歸各二兩

右十九味治下篩食上酒服方寸七日三

白石英圓補養肺氣方

白石英石脂作白陽起石磁石菟絲子

菘蓉乾地黃各二兩石斛八栝藟根白

朮五味子各二兩防風巴戟天各五分桂

心人參各壹兩蛇牀子兩半

右十五味為末蜜丸如梧子酒下十五丸

加至三十九日二服

理氣圓治氣不足方

杏人桂心各一兩乾薑益智子各二兩

右四味為末蜜丸如梧子未食服三丸以

知為度

治冷氣氣短方蜀椒五兩絹袋盛酒壹斗浸

二七日服之任意多少○聖惠方治虛冷

短氣方右以川椒三兩去目及閉口者以

生絹袋盛用無灰酒五升浸經二日後隨

性飲之

治讀誦勞極疲乏困頓方

酥油糖酒白蜜各二斤

右五味合於銅器中微火煎二十沸下之為準七日七夜服令盡宜慎生冷

又方 人參 甘草 茯苓 當歸各二兩 地

骨皮 芎藭 芍藥 乾地黄 黃耆各三

兩 大棗二十枚

右十味咬咀以水壹斗煮取三升分三服

一方用桂心三兩

治卒短氣方

壽韭汁服壹升立瘥肘後方治卒上氣鳴息便欲絕

治乏氣方

生薑 枸杞葉各二兩

右二味咬咀以水三升煮取壹升頓服○

聖惠方治卒短氣方 枸杞葉一兩 生薑一兩

右件藥以水二大盞煎至壹大盞去滓不

計時候分溫二服

治少年房多短氣方

豉七枚 梔子二七枚

右二味以水二升煮豉取壹升半去豉內
梔子煮取八合服半升不瘥更服

千金月令

主冷熱氣疾癥癖結聚疝氣七宣丸方

大黃十五兩 枳殼去穢子 柴胡 呵梨勒皮

各叁兩 檳榔仁六兩 青木香五兩

右搗篩蜜丸初服二十九加至四十九疾

在下空腹服在上食上服酒飲下並得

主冷氣不下食青木香丸方

大黃十六分 檳榔十分 枳殼去穢 芍藥 人參

各五分 桂四分 青木香七分

右搗篩蜜丸空腹服二十九酒下日再服

主結氣方

白朮 枳殼炒

右等分搗篩蜜丸如梧子大空腹飲下二

十五丸

主常氣方右取訶梨勒二枚衛生易簡以濕

紙裏煨待紙乾卽剝去核細嚼以生乳壹

升下之日三服

主一切氣宿食不消方右取訶梨勒壹枚入

夜含之主明嚼咽其皮核即須棄之

主卒上氣喘息方

桑根白皮升切叁生薑斤切半吳茱萸升半

右以酒五升煮三沸去滓頓服之

金石凌主氣疾金石發動瘡腫等方

金兩四青木香兩犀角屑升麻升沉香各叁

兩芒消兩石膏兩寒水石各壹斤

右以水三斗煮金取汁壹斗去金內青木

香等煮取四升去滓重湯煎待膜起匙抄

著紙上陰乾以不津器盛密封之溫疾黃

疸和水服壹匙匕即差

治肺調氣丸方

白檳榔 郁李仁夫皮尖別研 肉桂 羌活

芎藭 青木香已上各一兩 大黃兩半

右剉焙細杵為散用蜜為丸如桐子大每

日食後熟水下三十丸忌生冷油膩

補肺丸

乾地黄 一斤湯淨洗 杏仁 半斤湯洗
右細切以木臼中先杵地黄後入杏仁同
杵令勻急手丸如桐子大每日食後熟水
下三十丸忌蘿蔔蓮藕貝母白藥毛米粥

醫方類聚卷之八十六

